

C A I B. XIV.

aobhar sin iobraidh mi do'n Tighearna gach ni a dh'fhosgail-eas a' bhrù, *ma* 's firionnaich iad, ach uile cheud-ghin mo chloinne fuasgailidh mi.

16 Agus bithidh e mar chomhar' air do làimh, agus mar eudanan eadar do thùilbh; oir le làimh thréin thug an Tighearn a mach sinn as an Eiphit.

17 Agus eadhon an uair a leig Pharaoh do'n t-sluagh imeachd, cha do threòraich^a Dia iad air slighe tìre nam Philisteach, ge do *bha* sin aithghearr: oir thubhairt Dia, An t-cagal gu'm bi aithreachas air an t-sluagh an uair a chi iad cogadh, agus gu'm pill iad do'n Eiphit.

18 Ach threòraich Dia an sluagh m'an cuairt, air slighe fasaich na mara ruaidhe: agus chaidh clann Israeil suas 'an ordugh catha a' tìr na h-Eiphit.

19 Agus thug Maois cnàmhan Ioseiph leis; oir ghabh e mionnan teann do chloinn Israeil, ag ràdh, Gu cinnteach amhaireidh Dia oirbhise, agus bheir sibh suas mo chnàmha leibh as fo.

20 Agus dh'imich iad o Shucot, agus champaich iad ann an Etam, ann an iomall an fhàsaich.

21 Agus chaidh an Tighearna rompa 'san là ann am meall^b neoil, a chum an treòrachadh air an t-slighe, agus 'san oidhche ann am meall teine, a thoirt fo-luis doibh; gu imeachd a là agus a dh'oidhche.

22 Cha d' thug e air falbh am

meall neoil 'san là, no 'm meall teine 'san oidhche, as làthair an t-sluaigh.

C A I B. XIV.

A GUS labhair an Tighearna re Maois, ag ràdh,

2 Labhair re cloinn Israeil, gu 'm pill iad, agus gu 'n campaich iad fa chomhair Phihaherot, eadar Migdol agus an fhairge; fa chomhair Bhaal-sephoin: fa choinneamh - san campaichidh sibh laimh ris an fhairge.

3 Oir their Pharaoh mu chloinn Israeil, *Tha* iad air seachran^c 'san tìr, dh'iadh am fàfach mu'n timchioll.

4 Agus cruadhaichidh mise cridhe Pharaoh, agus theid e air an tòir, agus gheibh mise glòir a thaobh Pharaoh agus a shloigh uile; agus bithidh fios aig na h-Eiphitich gur mise an Tighearna. Agus rinn iad mar sin.

5 Agus dh'innseadh do rìgh na h-Eiphit gu'n do theich an sluagh: agus thionndaidh cridhe Pharaoh, agus a sheirbhiseach 'an aghaidh an t-sluaigh, agus thubhairt iad, Ciod é fo a rinn sinn, gu'n do leig sinn le h-Israel imeachd as ar feirbhis?

6 Agus bheartaich^d e a charbad, agus thug e a shluagh maille ris;

7 Agus thug e leis fè ceud carbad taghta, agus uile charbada na h-Eiphit, agus ceannardan orra uile.

8 Agus chruadhaich an Tighearna cridhe Pharaoh rìgh na h-Eiphit, agus lean e air tòir chloinn

^a cha d' thug. ^b stac, baideal; pillar. *Sa/g.* ^c air an amalaith. ^d dh'ul-
leach.